

SCRIPT OF EVENING GOJRI NEWS BULLETIN 22OCT 1700 HRS

ايونينگ گو جري نيو ز بليئن مو رخہ 22 اکتوبر 2025

يوہ آکا شواني جموں ہي نصرت چوہدری تے غلام سرور تين خبر سُنو۔

HEADLINES

- ۱۔ وزير اعظم نريندر مودی 24 اکتوبر نانہہ عملی طورور روز گار ميلہ سنگ خطاب کریں گا مرکزی وزیر کیرن رجي جو جموں گی تقریب مانہہ شرکت کریں گا۔
- ۲۔ نگرؤتہ تے بڈگام مانہہ ضمنی انتخابات بارے کاغذات نامزدگی جانچ پڑتال مکمل ہوگئی ہے تے کل 27 نامزدگی درست پائی گئی ہیں۔
- ۳۔ جموں کشمیر قانون ساز اسمبلی سرینگر مانہہ پلک تين 9 دنان غو سرمائی اجلاس شروع کر رہی ہے۔
- ۴۔ سرحدی حفاظتی بندوبست نانہہ فروغ دین بارے بھارت جموں کشمیر مانہہ قبضہ لکیر گی باڑ نانہہ سمارٹ ٹیکنالوجی سنگ اپ گریڈ کرن واسطے تیار ہے۔
- ۵۔ نائب وزیر اعلیٰ سریندر چودھری نے جموں کشمیر مانہہ سندر بنی بیری پٹن جھلاس شاہراہ گی توسیع تين آگاہ کیو جس غو مقصد رابطہ نانہہ بدھانو ہے۔

PM ROZGAR

وزير اعظم نريندر مودی 24 اکتوبر بروز جمع نانہہ روز گار ميلہ گی 17 ويں ايڈیشن تين عملی طور ور خطاب کریں گا اس تقریب گے دوران ملک بھر غا بکھ بکھ سرکاری محکمان تين نواں بھرتی ہوا امیدوارا اپنی تقرری نامہ وصول کریں گا۔ اس سلسلہ مانہہ جموں مانہہ ياه تقریب ریاسی مانہہ واقع شری ماتا ویشنو دیوی یونیورسٹی ککریال میترا آڈی ٹوریم ہال مانہہ منعقد وے غی پارلیمانی تے اقلیتی امور غا مرکزی وزیر کرن رجیجو اس موقع ور مہمان خصوصی وین گا یوہ پروگرام نکیلو 9:30 ور شروع وے غو یوہ پروگرام نوجوانان نانہہ مواقع فراہم کرن بارے حکومت گی جاری روزگار غا اقدام غو حصو ہے۔

Scrutiny Byepolls

جموں کشمیر غا نگرؤتہ تے بڈگام اسمبلی حلقاں مانہہ ہون آلا ضمنی چناؤ اسطے اج کا غذات نامزدگی غی جانچ غو عمل مکمل ہو گیو ہے۔ دوہاں اسمبلی حلقاں گا ریٹرننگ افسراں غی طرفوں ملی جانکاری غے مطابق نگرؤتہ اسمبلی حلقہ واسطے 10 نامزدگی درست پائی گئیں ہیں جد کہ بڈگام اسمبلی حلقہ مانہہ 17 امید واراں غا کاغذات درست پایا گیا ہیں۔ واضع رہ جے 33 امید واراں نے اپنا کاغذات نامزدگی داخل کیا تھا، جس مانہہ نگرؤتہ تين 13 جد کہ بڈگام تين 20 امید وار شامل تھا۔ 24 اکتوبر نامزدگی واپس لین غی آخری تا ریخ ہے جد کہ ان دوہاں حلقاں مانہہ چناؤ 11 نومبر نانہہ وین گا تے ووٹاں غی گنتری 14 نومبر نانہہ کی جائے گی۔

LA SESSION PREP

جموں کشمیر قانون ساز اسمبلی سرینگر مانہہ آئندہ کل تیں 9 دنوں غو سرمائی اجلاس شروع کر رہی ہے اس ضمن مانہہ تمام تیاری مکمل کر لی گئی ہیں تے یوہ اجلاس 23 اکتوبر تیں 31 اکتوبر تک جاری رہے غو۔ اسمبلی اسپیکر عبدالرحیم راتھر غی طرفوں جاری کلینڈر غی مطابق سرمائی اجلاس غی شروعات گزشتہ اجلاس تیں حالیہ اجلاس تک جن شخصیات غی موت واقعہ ہوئی ہے اُن مانہہ خراج عقیدت پیش کر غی کیو جے غو تے اجلاس غی دوران دیگر معاملات وستے 6 دن مختص رکھیا گیا ہیں اس سرمائی اجلاس مانہہ مرکزی زیر انتظام جموں کشمیر علاقہ غی اندر عوامی فلاح وبہبود غا کئی معاملات تے اہم ترقیاتی کماں و ربحث مباحثہ غی اُمید کی جارہی ہے۔

JK SMART FENCING

سرحدی حفاظتی بندوبست مانہہ مضبوط بنان غا سلسلہ مانہہ بھارت جموں و کشمیر smart مانہہ قبضہ لکیر گے نیڑے 740 کلو میٹر طویل باڈ مانہہ اسمارٹ باڈ یعنی مانہہ نمایاں تبدیلی لیا رہیو ہے قبضہ لکیر مانہہ جدید ٹیکنالوجی تیں لیس fencng Thermal sensors تے Infrared کیو جارہیو ہے جس مانہہ مصنوعی ذہانت صوتی نظام شامل ہیں اس نمایاں تبدیلی غو مقصد دراندازی کی کوششاں غو عین وقت ورتو لانو تے ٹریک کرنو ہے۔ یوہ اقدام سرحد پار تیں ہون آلی دہشت گردی مانہہ روکن تے حساس سرحد ورتو نگرانی مانہہ مزید تقویت دین بارے بھارت غی وسیع تر کوششاں غو حصو ہے اس موقع ورتو پراسار بھارتی غی ایک رپوٹ مانہہ اس طرح کہیو گیو ہے۔

PM MKB

وزیر اعظم نریندر مودی ملک تے بیرون ملک رہ رہیا بھارتی شہریاں سنگ آئندہ 26 اکتوبر مانہہ آکاش وانی ورتو من کی بات پروگرام مانہہ اپنا خیالات سانجہ کریں گاہیاہ ماہوار ریڈیو پروگرام غی 127 ویں قسط وے غی۔ لوگ اپنا خیالات تے تجویز ٹول فری نمبر 1800117800 ورتو ڈائل کر غے روانہ کر سکیں۔ اس توں علاوہ نریندر مودی ایپ یاہ فر مانی گوو اوپن فورم ورتو وی اپنا خیالات تے تجویز روانہ کی جا سکیں۔ یہ تجویز اس مہینہ غی 24 تاریخ توڑی ہی قابل قبول ویں گی۔

DY CM SUNDERBANI ROAD

نائب وزیر اعلیٰ سریندر چودھری نے اج ایک سماجی میڈیا پوسٹ مانہہ مطلع کیو ہے کہ جموں کشمیر مانہہ سندر بنی بیری پٹن جھلاس سڑک مانہہ قومی شاہراہ سنگل لین تیں پختہ کندهاں گے نال قومی شاہراہ سنگل لین مانہہ اپ گریڈ کیو جارہیو ہے اس سڑک کی چوڑائی 5.95 میٹر تیں بدھا غے 7.45 میٹر کردتی گئی ہے جس غی وجہ تیں مسافراں تے گڈیاں کی اوجائی مانہہ محفوظ تے ہموار رابطہ مانہہ یقینی بنایو جارہیو ہے اس اپ گریڈ گو مقصد سفری حالات مانہہ بہتر بنانو لوکاں کی موثر نکل و حرکت مانہہ مزید بدھاں تے خطہ مانہہ بنیادی ڈھانچہ غی ترقی مانہہ فروغ دینو ہے۔

INDIA FORESTS

بھارت نے عالمی ماحولیات کا تحفظ مانہ ایک بڑی کامیابی حاصل کی ہے تے دنیا مانہ گل جنگلاتی رقبہ کا لحاظ تیں 9واں مقام ور پُچ گیو ہے یاہ گل خوراک تے زراعت غی تنظیم غی جانب تیں انڈونیشیا کا بالی مانہ جاری کردہ عالمی جنگلاتی وسائل غی جانچ غی رپوٹ 2025 مانہ سی گئی ہے ماحولیات کا وزیر بھوپیندر یادو نے کہیو کہ پچھلی رپوٹ مانہ بھارت 10واں مقام ور تھو۔ یاہ ترقی حکومت غی اچھی پالیسیاں شجر کاری تے عوامی شمولیت تیں ممکن ہوو ہے اُنہاں نے کہیو کہ یاہ کامیابی بھارت کا جنگلات کا تحفظ تے ماحول دوست اقدام غی عکاسی کرے۔

GST

حالیہ جی ایس ٹی اصلاحات تیں ملک بھر کا گھراں نانہ براہ راست فاندو پُجیو ہے یو ایچ ٹی دودھ، پنیر، بسکٹ، مکھن، گھی تے کُجھ برقی سامان ور جی ایس ٹی مانہ کمی تیں گھریلو بجٹ مانہ آسانی آئی ہے تے خریداری مانہ اضافو ہوو ہے رام بن غی ایک گھریلو خاتون گیتا نے مرکزی حکومت غو شکریو ادا کیو کیونجے اس تیں ضروری تے برقی سامان ور جی ایس ٹی کہٹ ہوو ہے اُنہاں نے مزید کہیو کہ ایسا اقدامات درمیانہ طبقہ کا خاندان واسطے فائدہ مند ویں۔ آکاشوانی کا خبراں آلا شعوبہ سنگ گل کرتا واں اُنہاں نے اس طرح کہیو۔

VISHWAKARMA DAY

جموں کا بکھ بکھ ضلاع مانہ وشوکرما تہاڑو بڑی عقیدت تے جوش و خروش سنگ منایو گیو عقیدت مندان نے مچ تعداد مانہ وشوکرما مندران کا دورا کیاتے خوشحالی فرقہ وارانہ ہم آہنگی بارے دعا کی اس سلسلہ مانہ مندران مانہ بھجن پروگرام تے مفت اجتماعی کھانہ غو اہتمام کیو گیو یوہ تہاڑو بھگوان وشوکرما بارے وقف ہے جس نانہ دنیا غو پہلو معمار سمجھیو جے جس غے بارے خیال کیو جے کہ دیوتاں کا محلات تعمیر کیا تھا لوک اس دن اپنا اوزاراں مشیناں تے گڈیاں گی پوجا کریں تاکہ کامیابی تے امن بارے برکت حاصل کی جاسکے یوہ تہوار پورا ملک مانہ جوش و خروش سنگ منایو جے آکاشوانی کا خبراں آلا شعوبہ سنگ گل بات کرتا واں ضلع ادھمپور کا وشوکرما سنستھا کا سدر وجے کمار منہاس نے اس طرح کہیو۔

NEERAJ PROMOTION

دوبارہ کا اولمپک تمغہ جیتن آلا جیولن تھرو کھلاڑی نیرج چوپڑا نانہ بھارتی فوج مانہ لیفٹیننٹ کرنل کا اعزازی عہدہ تیں توازیو گیو ہے پاپنگ گی تقریب آج نویں دہلی مانہ وزیر دفاع راج ناتھ سنگ تے آرمی چیف جنرل اوپیندر دیودی گی موجودگی مانہ منعقد ہوئی۔ اُنہاں نے سرکاری طورور چوپڑا نانہ ان گی وردی ور نواں عہدہ غو نشان لاگے ترقی رتی واضع رہ جے

نیرج چوپڑا نے اگست 2016 مانہ نائب صوبیدار کا عہدہ ور ایک جونیئر کمشنیڈ افسر کا طور ور بھارتی فوج مانہ شمولیت اختیار کی تھی اُنہاں نانہ 2022 مانہ صوبیدی میجر کا عہدہ ور ترقی دتی گئی تے اس سال ملک کا چوتھا اعلیٰ ترین شہری اعزاز پدم شری کا وصول کنندہ وی بن گیا ہیں۔

KATHUA FREE SURGERIES

Rotary ایک بڑی عوامی صحت مہم غے تحت ضلع انتظامیہ کٹھوعہ نے
غے نال مل غے 27 اکتوبر تیں 31 اکتوبر توڑی مفت اعلیٰ سطح غی International
سرجریاں کرن غو اعلان کیو ہے یے سرجری ، جی ایم سی کٹھوعہ منسلک اسپتال
ایس ڈی ایچ بسولی تے ایس ڈی ایچ بنی مانہہ کی جیں غی اس مہم غو مقصد غریب
تے دور دراز علاقان غا لوکاں نانہہ جدید علاج غی سہولت فراہم کرنو ہے شہریاں تیں
کہیو گیو ہے کہ اپنا قریب ترین بی ایم او دفتر مانہہ اندراج کراویں تے پہلاں تیں
ضروری طبی جانچ کروالیں تانجے اس سہولت تیں فائدو چاسکیں۔
